



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De admonitione Marthæ. IV.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

excusationem. Si quid minus potest in spiritali conuersatione; hoc tu supplere desidera per sancta & deuota exercitia tua. Non tamen ex te illud presumas, aut de te plus quam oportet sapere velis: sed Dei gratia te exhortante interius, bonum charitatis tuæ studium in hoc commenda, quia omnia bona opera tua ei communicare debeas, quæ plura impedimenta deuotionis habet quam tu Sororem enim tua est, & illi debes, quidquid boni apud Deum habere uales.

§ 4. Admonitio Marthæ.

Audi iterum & tu Martha, quæ sollicitaris circa frequens ministerium. Caue ne turberis in opere, & ne deficias in tribulatione; quia satis abundanter & causarum tumultus aduenient tibi, & aduersitatū contra te uarietas non deficiet. Beata eris, si omnia patienter accipis, & cum gratiarum actione, à Deo esse bona & mala salubriter sentis. Semper igitur tibi opus est patientia atque prudentia; ut per patientiā mala superes, & per prudentiam aliis bona misericorditer impendas, quamuis sint etiam ingrati. Attende tu quibus seruias, & qua mercede laboras. Nonne Christus est, cui te totam contulisti? Eius Martha es, & eius voluntatem facere debes, ne offendas & pecces. Potens est Dominus tibi dare gratiam maiorem, & ostendere etiā gloriā suam; ut quæ tam sedulò & deuotè ei ministras in mundo, tandem iuxta eum recumbas in regno eius.

§ 5. Consolatio Marthæ.

Eia Martha, magna erit merces tua in cælo, tantū esto fidelis in ministrando. Propterea serui, serui curam, præpara quæ opus sunt ad vitam istā: siue in coquina, siue in braxatorio & cellario: siue terendo semina; siue molendo sinapis, siue alterius generis grana. Opus si vile est, tamen præciū uita æterna est. Quicquid enim expendis in usum fratrum Christi, reddet tibi iustus iudex in die iudicij. Quando omittis propriam voluntatem & utilitatem aliquam, seu quando postponis spirituale lectionē propter aliorum necessitatem, tunc entis à Christo hæreditare æternæ uitæ, & ille fit tibi præciosum & firmissimum pignus solutionis æternæ gloriæ. Vnde Patri sic dicit: *Volo Pater, ut ubi ego sum, illic sit & minister meus.* O Martha, multa potes operari opera bona, si sis uoluntaria & parata. Egent seruitio tuo serui Christi, & sine tua cura non sunt in Deo liberi. Si tamen vis esse meritorium opus tuum, fac ex animo bono, & non cum tristitia neque cum tædio. Magnam potes exercere charitatem in fratres, magnam etiam generare lætitiā, dum esuriunt & sitiunt, nec habent